

曉轉齋散記

(十六)

胡博淵

前龔小學

江大事告一段落後，連接家鄉前龔小學校長及親友等來函，請余回里視察該校。該校係余暨二哥博翰與堂姪爾良三人所創辦，余回里時少，爾良逝世，平時皆由二哥主持，余常有書報刊物等寄回。既被邀請，余亦多年離家，急欲歸與大二哥嫂姪輩團叙，乃允之。

吾鄉每村或數村，常有某姓宗祠之設。男十六歲可進祠，有公田可維持開支而有餘。每年除春秋二祭，族人掃墓聚拜會宴外，空置不用，雇人看守而已。余等乃發起借用龔氏宗祠辦一小學，離吾村僅半里，學生皆胡姓，蓋專為胡氏子女上學之用，學生初僅數十人，余之子姪等皆就學於此。後鄰村父老，亦請准彼等子女入學，學生人數乃劇增至數百人，有五、六里

以外之村童，亦來就讀者。舊時私塾，日漸減除，余由外徵求寄回之書籍，積少成多，遂成一小圖書室，學生閱讀有益，縣考成績優良，常列前茅。學校左近有河，有船可通城鎮，交通便利。河上有一石橋，接連一大墳場，年代久遠，祖系不明，逢春野草遍地，牛羊踐踏，別無用處，學校即假用為球場。

吾鄉為產米之區，土地肥沃，除村莊外，絕少空隙，惟長夏烈日，不見樹蔭。余乃每於清明時節，喜植樹苗於村中前後空隙之處，惟數月後由外歸來，皆不見矣。蓋鄉村兒童，見有樹苗，輒喜拔去，成爲惡習。余雖有植樹之癖，然未見長成之效，見此河旁墳場，乃觸動利用小學生植樹之念，作一有意義之試驗。時余服務實業部，部設林墾局，局長凌道揚，專司植樹綠化之職。余與商討苗種易長者，如法國梧桐及槐柳等十餘種，囑校方派人領取，栽植後分派學生護

養之責，幼年生每人五株，高年生有二十株者，須負責保管，每樹皆有標語人名，每年逢春種植，數年後遂蔚然成林。以前個人努力多年而失敗，今假小學生之手而成功，余乃通知縣教育局，由各小學推動此項植樹運動，由近及遠，推行全國，事半功倍。

表弟遇害

抗戰勝利後，中共在江浙鄉區，已進行滲透工作，政府當局及反共人民，亦有組織，捕獲共黨，就地擊斃。余表弟毛木君，係水師學校出身，時任常錫太湖區域水巡官，有小炮快艇巡邏各鎮，如遇匪盜擾亂治安，即加剿捕。共黨被截擊者亦不少，於是結怨。

一日余姪結婚，鄉人對於喜筵，最爲注意，木君自告奮勇，親自協助。午前賓朋咸集，惟當婚禮中木君致賀詞時，羣衆間突出現二人，持手槍大聲曰：「毛先生，吾等探訪多時矣，請下來談談。」毛平時出入，皆有衛兵，因今日喜筵，又在鄉村，料無他事，且不欲招搖，故無保護。羣見暴徒二人，明知有異，思奪圍而遁。余家老宅，昆仲六人，先君最幼，宅有五進，大廳公用，全村有河圍繞，僅前後二橋爲出入

交通，毛於後面三進樓房，路徑不熟，當往後面躲避時，竟爲暴徒趕上捕獲，脅迫出村。賓客手無寸鐵，不敢追隨。木君被擄至村前半里之林場，即遭槍擊斃命，暴徒逃逸。

按抗戰時期，我方游擊隊，與日軍互利用此林場爲掩護作戰，以困對方，後爲敵人焚燒過半。余此次回里所見者，僅剩餘之一部份，不意木君竟死於此，思之黯然！

倉促去國

余此次回鄉，先至家中，省多年未見之大哥二哥。大哥退休有年，已六十餘歲，不喜行動。當晚宿於家，村人來訪談者甚多。次日上午至小學，除學生外，復有不少遠近來訪之親友，相見歡然。余向學生及來賓述及多年不歸之原因，與抗戰時在外之工作，並謂以後當籌募建屋擴充小學，並籌辦中學。

歡談後午餐，共有七桌，魚蝦蔬菜，鄉味可口。飯後正擬赴無錫城乘火車回京，稚師忽自上海派人來鄉，促余當天去滬。

卽晚十時晤稚師，師謂：「明日有飛機至臺灣，

。次日遂帶一手提箱，隨稚師飛臺。余自由美返國，在京寓僅居一月，餘均往返滬錫一帶，今番又往臺灣，未及與家人話別，以為暫離即歸，不意竟浪跡海外至今，此一九四九年二月廿四日也。

吃大鍋飯

抵臺後，與稚師等宿於省府招待所，與其同來之宗族親友約十餘人，時臺省主席為陳誠（辭修），囑庶務課長送來油鹽柴米等，並稱奉命長期供應。稚師當即作函與陳主席，謝其好意，惟稱各人伙食，頗能自己供給，所贈各物，敬謝退還。稚師遂出資購置伙食應備各物，供給大家飯食，僅素菜兩樣，如需葷腥，由各人自備。

此項同食方法，有似北方大家庭之吃大鍋飯。蓋余在交大唐山及清華就學時，北方友人甚多，頗多數代同堂，會詢及伙食問題，亦係麵食及素菜一二樣，由公家供給，其餘葷味，由各房自備。此稚師之法巧合。按數代同堂，乃中國大家庭傳統形態，但房戶過多，子女繁雜，妯娌相處，磨擦不免，伙食亦其一端

代張公藝九世同居，高宗親臨問其治家之道，張書「百忍」二字以進，意即大家庭共同生活，互相容忍最為重要。

日人治台

初次至臺，最令人注意者，當為日人攫取臺灣為殖民地五十年來管理之政策。

在工業方面，如水電，鋁廠，造船廠，機械廠，石油公司，及鋼鐵業等，皆有相當規模，其中如電力，鋁業及石油，煉糖廠等，余皆曾參觀。各廠及公司，皆有詳細報告及說明書，此處不擬詳述。自中國政府接收不久後，皆擬具逐步改進計劃，惟當時接收不久，成效未著。

教育方面，其政策與英，法，荷蘭，比利時等施於殖民地者略同，即雖有大學，不設法，政，工科等學院。因造成此種人材，不利於殖民政策。臺灣大學在日治時代即有醫學院，聲譽甚高，乃因當地人民，有診治之需要而設。臺灣全島以前無工學院，日人後在臺南雖擬設一工學院，而迄未正式成立。自中國政

府接收後，臺大始有工學院之創辦。前此各工廠雖多當地工人，而絕無工程師，蓋使人民永遠作勞力服務，僅能勉強維持生活而已。此所以五十年之久，而不聞臺灣有富商鉅子，與著名之學者與政治家也。日人對於殖民地人操縱之術，顯然可見。

暢遊名勝

參觀工廠後，余即結伴暢遊名勝及風景區，如北投，草山（陽明山），金瓜石，花蓮，基隆，關子嶺，臺中，臺南，高雄，鵝鑾鼻，大貝湖，阿里山等。

日月潭係與吳鼎昌（達詮）同遊。余在實業部時，經三部長即孔祥熙（庸之），陳公博，與吳鼎昌。吳有兩位夫人，此次同遊者，為其日本夫人及其兒女三人。

至日月潭時，有高山族酋長，其兩位公主及同族婦女多人，前來獻舞，每次臺幣一元，當時美金一元為臺幣四元，十餘人同舞，共跳約十次，已盡其所能矣。雖非艷麗多姿，而本地衣飾，亦另有風味。其中有一女孩約十四五歲，與余談話，一口標準北平話，余訝而詢之，伊指懸於牆上之鏡框文憑，乃學習註音字母三個月卒業者。現臺灣鄉民及土著，大多數能講中國國語，即註音字母之功也。

日月潭為臺灣蓄水池之一，水不揚波，風光幽麗

。此處有水電站，規模甚大，發電量超過全島之半數。左近有高等旅館，燈影搖紅，月光掩映，終日倦遊，一宵盡釋。

此遊憶及吳之日籍夫人告余，乃夫上下汽車，亦須人扶持。而吳於半年後，即逝世。吳曾創辦鹽業銀行，具經濟長才，在政府除任實業部長外，並一度為貴州省主席。

余又與友人遊阿里山，此為臺灣天然森林區之一，有政府經營之森林公司，採木用空中掛線運輸。余等遊覽時，先至嘉義，再乘火車上山，路程雖不遠，而經過山洞棧道甚多。昔火車燒烟煤，每經一洞，必先將窗戶關閉，否則烟灰滿身，現已改用柴油，無此弊矣。

車抵山頂，高超脫俗，四野無際。余等寓一旅舍，係以前曾招待日本皇太子者。路傍有一大樹，曾兩次重生，即樹本身早萎，而旁枝生長甚大，枯萎後旁枝又茁生一次，如一樹而祖孫三代，他處罕見。

臺灣溫泉甚多，如臺北附近之北投，草山，係著名硫磺溫泉，稍有臭味，可治療皮膚症，遊客甚多。而臺灣最南鵝鑾鼻左近之溫泉，水內含石灰質，並無臭味。

余在臺參觀各工廠及遊諸名勝後，正擬返南京，而江陰炮台忽於四月二十日投降，次日南京亦淪陷，從此雲迷石頭城，有家歸不得矣。